

摘藻堂四庫全書薈要

集部

欽定四庫全書薈要卷一萬九千四百九十七

集部

皇清文頴卷九十六

詩

七言排律

乾隆三年

聖主躬耕藉田恭紀有序

陳大受

欽惟我

皇上乾德體元泰符凝命備中和而建極合參贊以成

能出十軒九舜之間攸隆邛治駕兩漢三唐而上
丕著鴻規府修事和大帡幪于有截仁育義正同
覆載以無私湛露灑

丹霄屢下蠲租之

詔薰風披

紫闥頻賡解愠之章舉鉅典於上辛祈屢豐於嘉穀
茅簷慶洽部屋春溫尤

念王政不外於養民而民功莫先於教稼乘天因地

務開衣食之源東作西成冀睹盈寧之盛時維二

月

躬率三農

玉軼遙臨陟青壇而展采土膏初起秉黛耜以

親耕蓋自我

聖祖仁皇帝知民為邦本凡耕夫織女之胼胝作息合

十二月而總繫於

宸衷暨我

世宗憲皇帝以食為民天尤貴粟重農而輔相裁成歷
十三年罔或愆於穡事駐龍旂於一垓家法猶傳
闢繡壤以加推前徽克紹薦馨

清廟既以承

先者奉

先布令春郊即以敬事者述事被天膏之優渥好雨知
時卜年穀之豐登如雲徧野歡騰隴畝咸稱我
后之仁喜溢簪裾共仰吾

君之孝謹拜手稽首而獻詩曰

天心仁愛在斯民

聖主躬耕舉上春
千畝加推敦本計
三農望歲慶元辰
祥開曙色龍旂捲
瑞靄雲光

鳳輦巡候曉
鷄班知有喜
前驅羽騎淨無塵
和風習習生輕幘
協氣融融滿畫輪
常伯追陪依豹尾
庶寮蠲潔萃魚鱗
空中桂燎氤氲合
壇上瑤籙次第陳

芝蓋儼臨歌肇祀
蘭場廣闢薦明禋
樂鳴太簇仙音朗

酌進匏樽玉醴醇繡壤膏腴環翠幙

珠宮種桂燦奇珍柳邊葱瑋金為絡花底絲鞭綵作紉
民力知勤歌

帝力

聖人作則勸農人崇臺咸仰

天容肅

御耦羣瞻地脈勻禮及公卿今更備畝終黎庶制仍遵
津莖澍雨乘時發待澤良苗入望新詠起甫田聞雅什

感深

湛露徧朝紳
農祥光映青旂
轉春扈陽回綠野
均共識
文心誠翼翼
爭看禹甸正
昉昉牧人夢
叶多魚吉太史
書占大有頻
栗薦

神倉昭

聖孝恩深

御廩頌

皇仁先知稼穡
前謨遠祗念耕桑

帝德純自以太和還宇宙惟將率育答

蒼旻權衡國計恒教足醞釀輿情悉尚淳朋酒躋堂欣
介壽康年報蜡喜歛邇幸隨縹輶觀隆禮願捧葵心向
紫宸

聖主躬耕藉田恭紀

梁文山

熙朝繼述美重光浩蕩

恩波被八荒

聖德已知同覆載

宸衷尤自重耕桑

九重無逸巡千畝一墦惟勤率萬方考古田功興后稷
勸農歲序順勾芒烟郊雨浥芳塵靜野甸風清湛露滂
臺畔公卿為主伯壇邊父老待

君王俄傳鳳闕華鐘發共仰

龍輿翠蓋張夾道驂駟爭蹴踏屬車鵷鷺盡迴翔濃陰
夜覆春城重密霧朝籠

御路長北極近瞻佳氣滿東廔遙指彩雲颺種分種桂

宮中獻色麗旌旂隴上揚祈穀告虔通陟降捧璋致敬
肅趨蹌精誠直達犧尊外率作旋來翠幕旁京兆授鞭
呈縹輶司農布種執青箱花迎

仙仗明於錦鳥和農歌巧若黃金耦頻移耕澤澤紺轅
微動佩鏘鏘為祈九土丕斯活爰效三推禮更詳在昔
吹豳陳穡事於今舉趾望農祥勞先兆姓勤芟柞瑞應
昌時若雨暘但願黍稌歌大有更思蠲潔薦烝嘗愛民
重祀兼仁孝法古遵先凜憲章此日榮光依

黼座一時喜氣溢
穹蒼泥塗尚覺沾
衣履樂利行看遍
井疆大有頻書盈
百室屢豐載咏慶
千倉恭逢鉅典欣
無似可許巴音誌
不忘

睿慮方殷俾率育
颺言更欲誦幾康

聖主躬耕藉田詩

有序

陳兆崙

乾隆三年仲春之月

皇帝躬藉千畝禮也維時甘澍初降晨颺颺然至誠感
通信有徵矣羽衛既陳

聖駕將發乃少開霽雲光溶溶若有待者

天子於是歷廣場撫御耦王公卿大夫以次從事禮成
上還宮雨復降春旂露重而陞楯不濡紫陌塵清而爐
烟自霽氛縕肅爽神人以和畿輔內外六鄉六遂
之氓咸以為有秋之兆云夫欲綏萬邦而屢豐年
必先貴五穀而賤珠玉我

皇上虔恭寅畏無時不然即事徵

心具見全體以承天時至敬也以奉祭祀至孝也以勸

農功至勤也以達庶政至順也凡在禮畊義種之
中敢忘雲行雨施之澤臣用是踴躍歡忭拜手稽
首而獻詩曰

時清九陌韶光好澤潤千塍寶穡開

天賜有年綏萬國

聖勤無逸肇三推披圖宣室宵鐘動列仗

端門曙色催豹尾襜褕隨

鳳輦虎賁蹀躞走龍媒濛濛香霧爐烟合冉冉流雲扇

影迴淨掃瑤壇增肅穆森瞻華萼迴崔嵬霏微雨解偕
神降宛轉風知應律來黛耜色分堤上柳紺轅聲殷澤
中雷周遭綉野延

宸賞取次靈苗荷

帝培植馬似飛排遠陣土膏如釀發新醅南東畝合區
先後五九班應遞往回匝地歡呼環父老迎眸生意露
根芨十千自是聯維耦穎粟方將勝有邵行漏漸移亭
午影前旌還駐望春臺逡巡

仙蹕傳歸騎詠蕩

天閭絕點埃遶禁平林呈晻曖承

恩細路長莓苔已知優渥周三輔須識生成徧九垓被
隴何時無霖霖依山是處有臺萊萬年疆畎今咸理百
族情田此悉諉

玉食猶然

躬率作小臣尸素愧非才

聖主躬耕藉田恭紀

汪士鋐

迎和舉趾重民天

詔命陽官備禮虔巳慶上辛

崇大祀旋諏吉亥

履王田青壇嶽立封人掌翠幄雲張甸帥傳農正恪恭
千畝始

法宮齋祓百僚先層城瓊釵來閭闔夾道霓旌過井廛
鑾輅安驅齊度隴

龍旂驂乘遠臨阡佩諧蒼玉崇基上壤潤芳塋廣阼前

葦籥競吹喧
秉轡秧歌齊
和簇鳴鞭奉
宸慈
撝麾肱赴導

駕洪縻在手牽犁御
協風楊柳外
耜霑時雨杏花邊
方歡霰霽膏彌渥
不怯泥塗步易遄
播殖早須農器撰
垂裳乍睹

帝衣褰

三推更進光前典

一塢重加邁
往編濟濟循行排
鴈鷺蹒蹒按序集
貂蟬

紺轅縹輶開畦遠白叟黃童舉袂連翠筵從公風古樸
綠蓑終事業精專烝民率育

天顏喜保介來咨

德意宣勞酒慶行歌擊壤衢尊

恩溥逮摩肩鯨鐘雷動鈎陳轉豹尾星環

法駕旋東作

聖情期或或西成

睿想切乾乾因儲

御廩神倉積卽看崇墉比櫛延嘉粟居歆充寶器飭香
裡祀實文箋

宸居端念豳風咏

黼座時陳無逸篇春豫

皇軒躬勸稼都人忭舞頌康年

聖主躬耕藉田恭紀

王錫璋

二月融和物候新耕耘肇舉及良辰艱難稼穡闕黎庶
宵旰勤勞厯

聖人甫睹

經筵開殿陞旋瞻

耕藉出城闌花迎

鑾輅紅初綻柳拂旌旗綠乍勻麥隴新苗平織浪芳隄
淺草細鋪茵三推廣闢千年業一塲祥占九野春甘雨
連村神有貺暖風被物路無塵餘糧定見先登圃上瑞
由來慶滿囷敬奉明粢崇報本恭承

嘉德自寧民

宸衷昭格時方泰

帝力敷宣俗倍淳
湛露普天沾渥澤
韶陽遍地沐
皇仁輿情此日咸
歡暢紫陌年年望

幸頻

乾隆三年

聖主臨雍禮成恭紀

汪士鋐

御宇綏猷撫萬方
風行首善

莅宮牆

經筵早探文書府壁水新隆禮樂場甫歷疆原

躬耒耜更期絃誦集膠庠稽儀卜吉

洛宗伯奠幣鳴球

詔太常露湛桐花迎

仗發春深芹葉薦筵芳

鸞旂映翠臨東序

雲罕搖青出建章門闢樞星金碧煥庭陳石鼓鼎彝光
天書璀璨題銀榜殿瓦琉璃照畫廊俎豆明馨

誠意格笙歌脩奏

德容彰三階登降瞻

龍袞兩翼簪紳儼鴈行
黛栢連雲祥靄護金支
載道惠風揚莘莘國子隨

仙蹕濟濟儒林侍講堂
綵繅巾裾循律度歲蕤
劒珮謹趨蹌雲屯鱗萃
班初定星拱辰居

幄正張

御几平移丹地近琅函
旋展綠綈裝微文闡發
霞敷采

大義昭宣斗耀芒
研討千秋傳玉檢
譚論六藝啟珠囊
諄諄

帝訓敷言遠赫赫

皇謨施教詳性道
淵源符往哲
勲猷格被駕
前王瞽宗
惇祀幽光表

側席旁求俊彥
翔庶彙甄陶
歸典則姱修
調變協柔剛
園橋觀聽槐街
合夾道歡呼
羽葆颺多士
依依魚在藻
羣英翹翹鳳鳴岡
欣逢

盛典鉤鐘鼓文物昭回

泰運昌

聖主臨雍禮成恭紀

觀保

景運維新燦八埏尊

師曠典辟雍傳莪莪松栢丹墻近片片琉璃翼瓦連燕
賀雕簷籠淑氣翬飛峻宇聳晴烟

重臨

聖闕從

丹闕纔

御經筵又

講筵

紫詔從容頒鳳彩

素王統緒接蟬聯
右文直闢詩書園
論道重開禮義田
掌舍肅儀清甸路
春官秩禮奏鴻篇
三霄滴漏聞銀箭
九陛騰聲拂玉鞭
蓬島彩移

仙仗近公卿
衣點露華妍
菁莪共率三千士
縫掖咸瞻

尺五天鈞樂六莖陳管磬鐘鏞兩序扣筵簞文章光被
唐虞際位育功歸性教先薄海誦絃風永播諸生鼓篋
業逾專爐烟馥郁芸香細

睿藻輝煌墨彩鮮

聖學巍巍尊泰岱

湛恩深厚沐淵源作人已自明經術祝鯁猶兼重養年
有赫威儀真穆穆無疆壽考更綿綿豐京豈獨歌靈沼
彤史於今喜並傳

乾隆四年

聖駕南苑大閱恭紀

梁詩正

奉德

聖朝文化洽止戈

帝世武功修覲揚不忘欽

前烈繼述常思績令猷

鳳縟曉頒傳大閱

鑾輿夙駕戾崇丘霞烘鵷鵠初陽麗塞拱螭螭遠翠浮

寶仗日邊排簇簇珠旗風外颺悠悠雪消南苑搖金轡
塵淨西山映畫旂承

旨前期威令肅犒師行在

聖恩優飽騰士馬先歡舞羅列車徒備噢咻方召莅師
綜禁旅熊羆分隊耀兜鍪九旗爛漫雲屯谷三校森嚴
氣食牛

天子戎衣親歷陣虎臣弁服自持籌鼓行旋見龍蛇動
甲擐齊將弓矢抽圍合風雲彌九地弦鳴霹靂中三侯

連營哮鬪山疑震飛礮旬火迅流碁布六軍新壁壘
鯨奔千騎敵貔貅中權岳峙牢難撼後勁馳疾不留
七變星門猶撫鐸五成牙帳再傳枹指揮在在符機畧
進止人人協將謀緹轂申驅神獨王欣飛賈勇力常邁
喜看挿羽兵容飭忽聽鳴鏡燾影收營衛散時烟鳥下
干戈橐後囿麟遊

一人有喜祥和致四伐無愆

賞賚稠牽去驂騑皆上駟載來金帛滿文輶赧德

戎行樂侍從陳詩

主眷醇謨烈自今長煥燦聲靈從此永懷柔勾陳啟處
三階泰歌頌昇平荷

帝庥

聖駕南苑大閱恭紀

周學健

乾坤清麗

聖圖長日月光華

帝道昌千羽兩階文德布車書一統武威揚已橐弓矢

陳時夏猶選車徒率典章紅線牽絲將測畧綠疇納稼
既盈倉仲冬雅際三農隙大閱從知七校良

詔發元戎屯細柳

躬擐甲胄出長楊前期司馬申蘭表是日飛龍控錦韁
徹夜鸞聲騰斗極向明劒氣聚星芒霓旌欲傍螭頭轉
御仗遙瞻雉尾翔詩咏東都尋甫草

駕臨南苑駐旂常雲生華蓋羣峯紫地入平原萬馬黃
內府舊藏朱組甲中林新試綠沉槍虎賁森立期門側

麟趾欣承

輦道旁乍聽嚴威傳鼓角旋觀列騎動鉤錫犀函競騁
吳江練繡轂齊傳朔嶺霜左啟雕弓開後勁右和銀鬚
繞中央頻宣玉鐲馳驅正載擊瓊鉦步伐詳魚鳥獻形
通豹畧鸛鵝附翼舞千行珊瑚未擬連錢速珠轡初迴
雜寶裝爰綴高增翔月兔更紆急箭下星狼輕颺不擾
朱旂靜旭景剛浮

翠幄張河岳百神俱震疊風雷一夕共低昂熊羆歡溢

殊恩洽鸞鵲書成

睿藻彰字婉典謨羅筆陣音諧雅頌擅詞場勲華事業
聲明盛周孔情思翰墨香在昔會同歌有繹於今申錫
正無疆赤駟北向歸靈囿丹鳳西來集

尚方輯瑞乘時朝

黼宸揮絃協律坐明堂自凝瑪瑙重霄露永繪龍山五
色裳從此金泥呈委宛豈惟石鼓紀岐陽

聖駕南苑大閱恭紀

鄂容安

宅中馭外謀
須豫緯武經
文國有常大
閱禮行蒐狩
後仲冬占協
日時良

紫宸朝啟

鑾輿駕赤甸
平臨翠葆揚
九伐素頒司
馬法六師齊
會羽林即營
穿細柳申軍
政陣展長蛇
試廣場四塞
山河過洛邑
九天鐘鼓邁
岐陽鸛鵠作
隊連三駟龍
虎為符出兩
廂百萬貔貅
明早旭十千
組練壓清霜
旌幢盡挾風
雲氣刁斗全
依日月光

天子有嚴親，黼黻大官無事裏。
餽糧黃旂至，止班聲肅。
赤羽擎來遠勢張。

特啟和門趨大帥，獨當馳道引親王。
五花並驟金騃駉，
八纛俱從繡衲襠。

宣令直教山岳動，騰呼真擬海波長。
縱遙亘飛虹影，
會合同膽戴斗匡。
風后握奇傳上古，軒轅振武仰吾

皇神臯形勝，推南苑勁旅精嚴萃。
朔方薄海共應師紀，
律遙天本自掃欃槍。
威行以德幾常敕，安不忘危道永

昌忠信在躬為甲冑農桑遍野是金湯叨隨

仙仗瞻雄武得傍行麾愧贊襄自是龍城停草檄偏宜
豹尾控絲韁

國恩莫報惟簪筆世業難忘學挽強長喜九邊鉦鼓靜
日陳干羽慶

垂裳

聖駕南苑大閱恭紀

于振

聖主膺圖憲百王時巡郊甸法陶唐訏謨久已昭文德

睿略還應繼

耿光律轉金門鴻北嚮陽回黍谷鳥南翔

龍旌縹緲來平樂

鑾輅雍容出建章霜意乍酣清輦路雪花微綴兆農祥
雲依

御鎧千官列日麗

天弧萬幕張笳鼓競時鵝鶴合戈矛森處虎貔揚五兵
用舉蒐苗禮九伐爰甄噐甲良殷地雷聲咸震疊嘶風

駿足盡騰驤唐弓引滿舒猿臂垂矢爭抽飲石梁狸首
騶虞原有節輸攻墨守總無方鳴鳶不載香塵細紫燕
徐迴錦陌長共識宸遊宣紀律猶聞

天語勅幾康周官懸象頒朝典月令祈年謹蓋藏
豐水鳬鷺思往牒塗山圭璧踵前芳禮闈書圃

皇心豫芝檢銀泥

帝業彰堯棟松生徵在宥舜廷絃撫慶垂裳青圻便欲

蕃麟趾丹穴行看集鳳凰
稔歲並占延喜玉太平常卧

綠沉槍

小臣

簪筆趨

仙禁拜手惟賡泰運昌

聖駕南苑大閱恭紀

曹秀先

喜睹修文樂太平仍傳講武近

神京中冬大閱稽周禮吉日時巡練府兵太史正書三

白現

聖人親駕六龍行軒轅臺上垂衣拱虞舜階前舞羽呈

初試唐弓名九合新抽夏箭號三成龍媒馴習騰

天駟豹仗飛揚拂柳營三萬公徒環帳殿六千君子重
干城撓金伐鼓儀容肅逐隊分鐃紀律明如見孫吳嫺
陣勢即同頗牧立勲名鐵衣晃處凝寒雪寶劍開時掣
海鯨衛霍少年才不忝幽燕老將氣尤橫桓桓已遂瞻
雲願濟濟爭聞動地聲北向皆山呼萬歲高懸惟斗接
長庚傳宣中使

徽綸下廣挹三危玉露盈雲上於天開宴樂地中有水

象師貞投醪挾纊今猶古按轡登壇靜不驚

神武風高來外域

天顏日照共新晴從來軍政關為國不待

王師更有征蒐乘簡徒懷往訓覲光揚烈見

皇情

宸衷無逸超千載

睿藻如春布八紘還許和吟偕侍從早傳

溫語及公卿長楊羽獵卑前漢貍首騶虞協雅笙歲紀

怡輪葭管出游歌試聽鳳凰鳴

回鑾南苑歡聲洽願上豳風

萬壽觥

聖駕南苑大閱恭紀

董邦達

聖主乘時簡六師

翠華南苑駐行麾平林雪霽千旂繞廣甸風清萬騎馳
靄靄朝光浮綵仗熊熊晴旭麗金支代當全盛烽烟息
候是玄冬閱狩宜頗牧近歸天策將貔貅雄列羽林兒

聲傳鼓角軍都靜令肅風雷政不私
七萃連營排雁翼
八門分陣合魚麗
大侯旣樹形成豹列
隊橫開勇若羆
親挽瑯弓昭

睿武羣瞻玉帳凜

皇儀暖回纘挾春疑早
寒解冰纏景欲移
校罷歡聲騰
虎旅軫旋佳氣滿
鸞旂已安磐石

天維眷猶

念苞桑

帝曰咨舊典無忘追

列祖先期有事展崇祠禽荒戒豫抒

宸藻獵卜徵賢動

主知憶昨六龍

臨太學於今四海誦

文思昌時喜覩麟遊藝瑞應從看鳳在岐禮示三驅垂

法則舞隆七德播聲詩車攻底用誇周鼓鐃吹真堪陋

漢詞雅化久敷環渤海武功不試靜邊陲小臣載筆慙

韜畧獻賦逡巡拜

玉墀

聖駕南苑大閱恭紀

周長發

太平遠略仰承乾講武南畿

鳳詔傳霽雪乍融輝
豹尾曉暎初起映龍旃
星旄珠罕開千嶂畫戟
琫弓出

九天校獵長楊超漢武
選徒甫草邁周宣
時當農隙登稊黍禮備
冬烝寔豆籩羣吏執輦
先戒衆虞人立表早

萊田建旂列鐳車徒肅進鼓鳴鉦壁壘堅衛簡羽林森
十二人雄虎旅萃三千霜花淬劒仍分舞楊葉彎弧定
可穿霞纈光生紅韎韐風駟勢驟鐵連錢五兵七校皆
依旄八陣三單盡拂鞭魚復軍容規坐作豹韜師律象
方員正竒悉欲遵成法

神武真能統大權風點銅鉦聲自振霜清銀鎧色逾鮮
和門左右旌猶樹

寶幄周環旆復懸萬騎踏雲騰驤裹六軍迎日耀戈鉞

未妨軼獸仍開網還見珍禽即應弦赤雁白麟遊瑞圃
黃羊元鹿滿甘泉

熙朝頗牧韜弓矢

聖世夔龍叶管絃天保采薇安內外鴻圖鞏固萬斯年
聖駕南苑大閱恭紀

周玉章

翠華夙駕載旌旃講武南畿甲仗鮮十二羽林銀作鎧
六千君子錦為韉

躬擐韎韐輝金碧樂奏鐃笳異管絃司馬恪居陪位列

親王禮率總戎先扈隨鷓鴣環

黃幄號令貔貅指

玉鞭攢戟和門光爍爍振聲中壘響齎齎彩旂高展摩
天影火器爭開捲地烟成列雕弓彎滿月突圍鐵騎控
連錢一聲雷動山疑撼萬點星流札盡穿茶火分軍齊
步伐龍蛇結陣變方圓韜鈴莫測

宸衷密坐作胥從古法傳更喜

禁庭多頗牧由來宿將盛幽燕典隆獮狩方差馬技試

畋戲又獻殽七德何煩觀舞綴三驅原不為遊田常修
組練昭

神武永靖櫓槍樂幹年習戰昆明逾漢帝選徒甫草邁
周宣止戈自爾威中外遵道於今仰蕩平盛事數陳慚
珥筆願賡天保九如篇

聖駕東巡

盛京恭謁

祖陵大禮慶成詩

朱佩蓮

當陽

聖主運乘乾祀典宏開孝格天

殿上袞衣垂日月寰中繡壤奠山川重光謨烈文承武
一德明良

聖得賢布政九霄當宇日合歡萬國上

陵年仰承大統羹牆見俯御雄圖帶礪全復覩唐虞州
十二聿遵周孔禮三千肇基迹自

留都始

大孝躬勞庶物先撫有萬方民物富來同九牧貢輸駢
春暉報德臨朝後仁粒思文受命前共戴

慈宮尊養至式瞻

列祖祀裡虔昌時特舉巡方典戚里欣承大饗筵周武
杜中曾獻勺漢高渭北亦陳瑄上監往代參經緯獨盛
熙朝不襲沿耕藉南郊供簠簋蠶繅東苑理紘綖官脩
內外昭誠敬日練剛柔告吉蠲奉物參時將玉食敷天
衷對走花駟羣僚從祀黃流瓚

聖母先迎紫闕軒原廟衣冠遊舊里寢門飲膳問中涓
享岐有事偕勤止陟巘無勞念慎旃默契璇宮開月扇
喜臨華渚度花磚黃麾漸引祥光啟彩仗齊排瑞靄連
灝氣遠圍秋澹沱冰輪迥映月嬋娟踈桐叶露斜行雁
高柳嘶風兩岸蟬光霽上開新氣象霏微四斂忽吹扇
三霄澄景懸東壁萬里晴暉發北燕清曉衢歌傳白屋
斜曛野笛掛烏犍欣瞻圻甸禾栖畝遠卜要荒黍被阡
驛路不妨耕隴業沙隄別取牧場填騰驤出口飄雲罕

迤邐延邊望海堧紅杏城高分石碣黃花塞險扼喉咽
卿雲似蓋文稠疊王氣如龍勢蜿蜒南部偵邏先拊舞
北蕃候望盡喧闐萬年

天子欣臨境中國仁人喜莅邊
汜掃中途成坦坦導游
王路履平平往來甌脫遙呵護
瞻仰韋韞正婉嬋芝蓋
紆徐丹嶂合虹旗縹緲白雲穿
懸崖遙指飛猿掛絕壁
爭看技鼠緣行近芳林鸞護尾
立當青草鷺擎拳因乘
秋氣行時令爰往東都奮大畋
田豕垂文原利執天狼

觀象尚張拳鳴茄邊將雄擒虎負弩蕃兒媚獻斨沈沈
溶溶犇大兕儻儻俟俟竄封獬合圍鹿塞芟蒿蔚周落
羣山柞杞梗望裏合蘭河瀆濠環中蒲類海萋芊

神姿自控三花鬣遠畧徐搖七寶鞭照夜白翔尋影迅
海東青聳入雲旋秋原莎靡驕媒雉大漠風揚縱爪鳶
乍格游騏収絹結轉鈞飛豹入拘孥曰驅有令從開網
命中方呼倒應弦疊獲縱紀驚縱送盈庖脯腊貯肥鱸
羶腰何止嬾車馬

園寢從教執豆籩
蓊夢粉榆森里社
巍我廊廟素題枌
球圖玉府先瞻切
劔舄

橋山乍目孺帝子
梧高風往復大夫
松老浪洄漩金波
鳬鶴陰翔集銀海
龜魚暗濯漣駸駸
岡陵台座埒葱蘢
林麓鼎趺聯堯瑩
窀穸封如斧殷武
宗祊角有挺桎杻
中鋪張禮館旌轅
外建衛齋員蓮花
漏徹晨波湧蕭葉
香升曉火燁

聖德欽瞻龍繡袞

母儀肅整鳳文鈿太官上食承蒿柱大樂宣音繞蕙楊
清液一泓浮鬱鬯紅霞幾朶透爐烟有孚盥薦昭顥若
如在精誠見優焉風馬飛揚來晻溘雲旂搖曳下褊褊
居歆玉宇含丹渥具酌金尊漾碧漣德是馨香非黍稷
道能肥腴到牲牷呈祥祕殿瑤芝秀應瑞長楸玉露鮮
開創規模勞想像纘承懷抱屢沉研百年禮樂方興矣
一統河山豈偶然今日巡遊俄朶址當初祥發闔門淵
帝生東震原居位天作高山最上巔自闢鴻蒙成宇宙

向疑窟宅住神僊
姜嫄毓秀推人極
曾父開基肇地偏
海甸鬱盤崇體勢
遼瀕奧衍遠連延
四圍廣漠疆寬拓
三派澄江水曲蹠
與宅樂郊蕃藪澤
建邦膏壤導鮒佃
駕龍春日賓陽谷
躍馬秋風戰阪泉
木拔道通開草昧
蹶生質訟化蒙顓
威張桎矢山林啓
虔秉彤弓討伐專
締造雨風經櫛沐
艱難手足痺胝胼
小懷大畏仁風布
邇懼遐驚武烈鐫
上國舊推東海表
王畿嗣涉大河遷
綢繆家室從沮漆
和會陰陽卜澗瀍
矩地向方仁氣正

規天分野尾星躔增城誅蕩飛樓櫓作廟崇閎架杙椽
河鼓雙旗分羽翼陰符八陣總包纏

聖神定鼎資先識

文武持籌具妙詮海截東藩三箭定山連西域大旗搴
神皋垓北占昌世肇域鴻龐握治權爰拯生靈登衽席
盡收品彙入陶甄貽孫翼子天無極報德崇功歲必崑
剛拜几筵前列篤佇瞻宮闕舊章懸虎臣矯矯重呼蹕
髦士我我共佩璫侍奉

金輿攜斗柄和調玉燭靖風祆
弭殫吹幄聲徐轉婀娜
揚旂態有翩城指鵝渾頻
于江遵鴨綠幾回亶漫山
文玉抽奇木彌水華萃透瑞
蓮蘆絮烟霞朱雁集落衣
雲錦白麟眠芬菲如適羣
香國璀璨疑遊萬玉田入境
偕來瞻

帝座

升朝儼若撫天璇齊雲三殿
星垣燦夾曜端門鳳翼騫
大展珙球王會禮高懸墳典

帝京篇葵傾已遍東西峽蛾伏無分大小開鶴野仙臣
瞻朶殿龍沙遺老拜烏氊金罍頒下疑瓊液玉饌分來
厭麥饘大酺慶成

丹詔下鴻恩喜沛紫泥傳侍僚宣力俱增級秋賦經巡
概賜捐被德臣隣膺祉福漸仁士庶念栢棬承平自極
文明盛保治毋忘武衛宣講旅凌河看整暇陳師渤海
戒輕儇磻天高樹靈鼉鼓拂漢遙揚彩鳳旌鵝鸛合離
成隊伍墨茶奇正入弦鍵觀來似海軍容壯撼去如山

陣勢堅耀雪鮮明
環鎧甲指星浩汗擁戈鋌懸知奮武
鷹鷂逐一自揚威
虎豹痛散即颼風彌垆野卷為收電
淨郊廛花江襟帶鮫人集繡嶺屏藩雁戶編靈藥採來
復五葉豐貂羅取珥雙鬢村村家碓長腰米處處人穿
縮頸鰻浪跋牛魚紅潑刺草遊蛇馬碧蜚蜃風強壯士
彎銅弩俗撲齊民衣木棉地美絕蚊還絕蝎年豐無蜚
又無螻金湯永固東京樂鼓舞歡留
大駕還來日沛宮高帳飲歸時

輦路繞攀牽蒼生愛戴

宸遊豫紫陌方長

睿賞便一路承歡回玉勒有時迎笑傍珠韉
鷄翹夾道歌連臂豹尾交衢望疊肩饒樂罷邊飛蓋弭婆娑州外
綉帷寒含情嵐翠濃堪滴薄醉林光秀可憐城上遍圍
蓉錦幄道旁齊放菊金錢百昌接

輅爭呈媚萬景迎

鑒競鬥妍榆塞霜花輕點袖荆關紅葉薄飛箋黃童鶴

躍雲成望白叟稀呼雪滿顛多效壺漿呈野簌或攜筐
宮獻香釜還

朝賜拜沾堯酒奏治薰時入舜絃遠近人風欣過化往
還農隙莫期愆

象輿乍駐三靈協

雉扇重開五曜圓頌上赤蛟綏奕奕曲成朱鷺鼓齠齠
河清海晏追三古華祝嵩呼遍八埏載筆

小臣

歌萬壽

聖人仁孝永綿綿

皇清文穎卷九十六

欽定四庫全書

總校官庶吉士

臣

張能照

校對官檢討

臣

郭寅

謄錄監生

臣

許祖懷

欽定四庫全書薈要

集部

皇清文穎卷九十八

七

詳校官候選知縣臣吳甸華



欽定四庫全書薈要卷一萬九千四百九十八

集部

皇清文頴卷九十七

詩

五言絕句

秋月

恒温親王允祺

秋月漾清輝溶溶映薄幃塔前聞蟋蟀冷露滿裳衣

白雲寺

恒温親王允祺

山高每出雲有寺在山上誰向寺中遊白雲自來往

西照寺

恒溫親王允祺

流水自淙淙山深蔭古松斜陽回照處古剎一聲鐘

咏桂應教

怡親王弘曉

桂樹生南國移根傍畫欄芳香披拂處疑向月中看

憇田家

慎郡王允禧

田家雞黍情坐愛牛羊返柴門風動聲殘陽四山滿

山居

鎮國公德普

雲抱萬重山橋橫半溪水紅樹接茅檐掩映斜陽裏

喬木

輔國將軍博爾都

喬木緣溪水疎籬隔草庵門前停畫舫風景似江南

清池

輔國將軍博爾都

清池映皎月沈沈素波靜遊魚亦悠然況兼竹栢影

夜坐

輔國將軍博爾都

抱琴花下坐對月竟忘機曲終萬籟寂花影上人衣

題王石谷畫

輔國將軍博爾都

濕雲遮遠山急水喧橫石有客卧草堂閉門讀周易

山莊四時應

制詩四首

徐元夢

回蹕無多日山莊春已深
依依芳草色似望翠華臨
翠華一臨幸觸處得清涼
雨過千山碧風迴百草香
風雨欣時若端居修復秋
聖心閒適處麋鹿總優游
霽色遍遙峰凝寒又逼冬
九重心目近不忘後彫松

北征大捷鏡歌八首

狄億

開天文武績首出是軒皇
弧矢兼書契垂為萬載光
海波流太液滇水注昆池
只剩燕然石

君王更勒碑

朔漠寒難釋欣鋪綠草茵
詎因吹律轉

皇世本如春

江河流兩戒直北少源泉
指顧飛甘醴坤輿亦轉旋
屢頒天廐馬頻賜御厨餐

宸渥何由報惟將寶劍看

刁斗三更夜征笳萬障秋

聖人親按壘雪點紫貂裘

負固荒沙外崎嶇萬里程雕戈霄漢落始信是天兵

南望回杓斗春風度玉門

至尊停輦處時有瑞雲屯

七言絕句

白牡丹

理密親王允初

鹿紫鵝黃自昔傳天然本色倍鮮妍
瓊為樓閣層層現玉作盤盂朵朵圓

綠牡丹

理密親王允初

雕鏤蒼玉起樓臺紅紫叢中巧樣裁
碧葉承花花似葉綠圖還有鳳銜來

賜荔枝五株恭紀

理密親王允初

叢生丹實綴瓊枝鶴頂殷紅迥異姿
移植不教違物性清芬如在海南時

紅葉

理密親王允初

數株槲葉間丹楓一抹秋山入畫中
縱使霜風能點染也教都傍日邊紅

夜坐

恒溫親王允祺

風撼簾衣月照床人聲靜處漏聲長
此間趺坐清如水一卷楞嚴一篆香

中和節

恒溫親王允祺

三分春色二分初又見階蓂一葉舒
聞道中和推令節

唐人曾進勸農書

西爽閣晚眺

恒温親王允祺

因登小閣對斜曛
匝地春光遠近分
更喜西山供眺望
數峯如畫復如雲

有懷

恒温親王允祺

雨過苔深絕點塵
鳥銜桑黠過西隣
麥黃秧綠柴門靜
獨立斜陽憶故人

日觀峯

恒温親王允祺

魏峯突兀接雲霄二月春融雪未消夜半鷄鳴紅日出
海門千尺湧金潮

蒙

恩賜聯句心作良田百世耕恭賦

淳度親王允祐

靈臺方寸即良田家法新從

聖主傳貽向本支千百世耕耘歲歲是豐年

山翁奉和

兄雍親王

怡賢親王允祥

山翁家在白雲中
鶴髮蕭疎坐晚風
門徑掃時幽蘚碧
杖藜扶處落花紅

漁翁奉和

兄雍親王

怡賢親王允祥

漁翁常占蓼花灣
俯仰心同白鷺閒
放艇有溪皆入畫
得魚無日不開顏

奉懷

兄雍親王隨

駕熱河避暑四首

怡賢親王允祥

清暑山莊近塞垣年年扈蹕羨承

恩林亭水殿雲霞裏日侍

天顏笑語溫

沙隄雨過淨無埃深柳陰中輦路開風動葛衣香滿袖
行宮侵曉問安迴

墨池香霧湧波濤落紙雲烟格總高

指授親承應更進彤軒長畫侍揮毫

磬峰高聳片雲留萬木蕭森白露秋屈指

迴鑒期已近趨陪欣喜話前遊

泛舟呈

兄雍親王二首

怡賢親王允祥

曲嶼平橋掩映重蘭舟蕩漾意從容花香午送和風暖
草色朝含瑞露濃

輕舟容與碧溪潯潏灩清波幾許深塵念到來消已盡

始知山水有清音

月夜

怡賢親王允祥

虛廊晏坐夜沈沈
偶得新詩喜獨吟
萬籟無聲風不動
一輪明月印波心

西郊

怡賢親王允祥

夾道千行御柳斜
青青芳草襯晴沙
春風十里西郊路
開遍牆頭處處花

圓明園讌集呈

兄雍親王四首

怡賢親王允祥

綠水名園倚絳霄
歡聯華萼應嘉招
躋攀不盡登臨興
閬苑蓬壺路未遙

西山泉水入池新
池上松篁翠色勻
瑤島靜涵千頃綠
瓊林長護一園春

芝榜高題

御墨鮮陽春
烟景浩無邊
圓通妙諦誰能會
一片光明照大千

路入仙源迥不同披襟面面受和風
向榮花木欣欣意同在

堯天長養中

題畫六首

怡賢親王允祥

參差遠勢望難分筆底烟嵐迥不羣
千澗泉聲千澗雨萬重山色萬重雲

赤欄橋外柳參參千樹桃花一草庵
正是春光三月裏依稀風景似江南

片月銜山出遠天
笛聲悠颺晚風前
白鷗浩蕩春波濶
安穩輕舟淺水邊

碧海三山入望賒
金銀宮闕映丹霞
生身只合蓬萊住
桃實千年又著花

前村後舍意相親
社飲團圞雜笑嗔
此是昇平真景色
收來畫裏更精神

瑤圃瓊臺玉作田
高人策蹇灞橋邊
詩成自為豐年喜
沽酒尋梅亦偶然

咏荷花

怡賢親王允祥

銀塘珠露月三更風靜荷香遠益清為是出塵心不染
亭亭獨立迥含情

薔薇

果毅親王允禮

寂歷幽香透綺疏日晴風暖蝶來初從君乞取花間露
浣手臨牕讀道書

書牕夜雨

怡親王弘曉

片片雲凝壓鳳城苔階細雨潤無聲欄前只有芭蕉葉

一夜蕭蕭直到明

送四兄奉使出塞

怡親王弘曉

花萼樓前兩弟兄每從攜手問安行
詩歌折柳頻相送一在龍沙一鳳城

凝香齋

怡親王弘曉

紫白花開鬪粉粧簷前輕燕繞迴廊
清幽真覺塵難到只有香風送畫堂

賦得秋露如珠

怡親王弘曉

東方漸啟滿庭秋
仙掌高擎露未收
自是湛恩天上足
明珠萬斛不須求

咏萬年青

怡親王弘曉

龍葱嫩葉最宜人
薄植能留天地春
移向案頭常作伴
不凋應得比松筠

題畫四首

慎郡王允禧

杉皮屋子枕溪頭
燕尾春波碧玉流
一片輕雲作微雨
隨風流出下灘舟

林邊一徑傍巖隈
水閣風亭掩映開
應是此中無暑到
瀑泉高自半天來

古樹連蹊帶石坡
夕烟山靄兩相和
老僧拄杖踏黃葉
秋在白雲深處多

玉水瑤山一抹同
六花飄墜晚烟空
地爐茶鼎幽人屋
夜半牕間宿火紅

山莊清曉圖

慎郡王允禧

落落長松滴清露
瀲灩流泉穿塢去
數聲山鳥喚人醒

飛下空青不知處

題王石谷松牕讀書圖小幅 慎郡王允禧

鶴啄參差覆綠苔
長松陰裏坐書臺
山人只合山中老
爭似閒雲出岫來

桃花寺

輔國將軍博爾都

山寺憑欄對夕曛
寒烟暮靄互氤氲
數間茆屋圍紅樹
一曲清溪出白雲

東臯泛舟

輔國將軍博爾都

乘興蘭橈泛碧溪
漁歌驚散水禽啼
白蘋渡口烟初暝
紅蓼灘前日漸低

南苑應

制

吳偉業

綠楊春繞栢梁臺
羽蓋梢雲甲帳開
知是至尊親講武
日邊萬馬射生來

車駕親征朔漠饒歌六首

張玉書

饒吹聲高朔氣融
凱歌人仰

廟謨功宵衣決策

深宮裏萬里軍情指顧中

春風曾不度龍沙
罽帳常霑六出花
却喜雪融催草綠
馬嘶聲壯隱邊笳

鷹揚環擁

御營傍刻漏聲嚴
夜未央北斗當頭
天似水亂山迎面
月如霜

萬里真同咫尺看
嘽嘽鐵騎耐霜寒
沙場競唱從軍樂

瀚海何憂行路難

去日枯條未放春歸來榆柳綠初勻平沙草燠行圍蚤
獵得黃羊

賜從臣

近邊六月曉風和紅藥金英匝路多應為關門春蚤謝
穠華留待

屬車過

武功告成饒歌十首

張玉書

靈泉匝地浸春蕪縱目連營日正晡紅柳萬株新月吐
一輪冰鏡挂珊瑚

銀麟古鎮閱沙陀千里軍容靜鵲鵝無定河邊孤戍冷
受降城外屬藩多

漢唐渠水繞青畦烟火千家板屋齊統萬城頭天一顧
永銷兵革事耕犁

鐵駟明駢列廐陳輕舠擊楫大河濱官家織悉皆儲峙
問左何煩算一緡

萬里邊情等察眉

九重宸斷折羣疑早從

玉帳籌兵日預決樓蘭授首期

河經幾曲鏡波平

御座中流水自清到處魚鱗銜尾集總隨龍影負舟行
豐郡山圍古樹稠黃河水帶黑河流舊屯邊戍連秦塞
好灌腴田似夏州

三經脫脫城邊路此度風清解鐵衣飛鳥向人疑舊識

亂山隨馬送將歸

鳴鳩羽拂桑田雨
布穀聲催麥浪風
父老杖藜遮道望
太平

天子五雲中

鳳詔同瞻天北極
雕弓長挂海西垂
千秋汗簡神功紀
百丈磨崖

聖武碑

知稼軒暑中侍直紀事四首

張英

稻畦瓜隴翠芄芄移入城西

御苑中靜聽桔槔深柳外不須丹藻繪幽風

秋雲亭北谿如帶嘉穎軒南柳作屏陌上新逢時雨過
秧鍼菜甲一齊新

數叢葭葦接芳汀作隊駕鶯泛雪翎清淺波中金碧影
小橋斜過狎鷗亭

五月溫風過雨時田田初見綠參差驚看蘸水紅蕖艷
百朶先開太液池

奉

命泛舟

西苑觀取魚并蒙

頒賜恭紀六首

張英

興慶池蓮照水紅
恩分青雀御微風
幾人曾到甘泉館
來往波光漱艷中

好雨連朝長暮潮
輕舸緩轉木蘭橈
西山指點青如黛
不覺經過玉螭橋

秋早涼從

水殿生魚鬐收處柳風輕縱橫藻荇流船滑時聽鮮鱗
潑刺聲

新蟬乍喜報秋清

靈沼風和見物情綠樹陰中啼翡翠白蓮花底宿鸂鶒
空明雙槳擊澄潭烟水菰蒲性所耽怪底夜來涼雨後
魚莊蟹舍夢江南

錦鬣銀腮滿泛船盈筐拜

賜荷

恩偏謾言玉鱠東南美親割華林第一鮮
恩賜新貢龍井天池珍茗二瓶恭紀三首

張英

春山雷英綠參差驛使南來供

御時千片月團天上味清芬先許近臣知

披雲和露出層巒雀舌名芽欲購難家住江南曾未識
得分珍味在長安

晚窗自煮石泉清靜聽松風第一聲喜沐
君恩分玉液不將仙露羨金莖

扈

蹕西山至

南苑紀事十二首

張英

遙望飛塵一綫輕平郊歷歷引雙旌

皇情最愛田疇好萬騎傳呼逐隊行

上諭衛
士力踐民田

擊壤歌衢樂自如不教鷄犬避

皇輿山僧出定閒披衲野老來看勸倚鋤

寺僧不擾觀者不令迴避

古潭石碣蘚痕斑常近

鑿輿到碧山只為蛟龍留窟宅能將霖雨遍人間

扈從幸黑

潭龍

陰崖盡日掩芳叢退谷亭幽幽徑通單騎不教傳警蹕

山泉聲繞玉花驄

退谷曲徑清流與御驄相繞

空濛雲氣生虛壁遠近嵐光入小亭幾度凭闌看不厭

山容野色總青冥

來青軒高敞最宜遠眺

憑虛高閣俯松端
千頃平疇入望寬
山色自青雲自白

河流蒼莽古桑乾

石景山
晚眺

翠竹烟梢碧玉姿
傍崖臨水綠參差

皇心珍重凌霜節
題作簞簞第一枝

潭柘有竹最茂
御製詩詠之

寶翰偏宜洞壑藏
山光雲影入

天章一經洗筆溪頭水
清澗長流

御墨香

西山諸勝地皆有
御製題咏

上林迴繞是清渠
北渡平橋映碧虛

聖澤長同靈沼樂柳風生處看遊魚

上臨
淵看魚

落照西山獵騎催長風駕雨自東來玉鞭動處雲隨馬

十里離宮頃刻回

獵回遇
風雨

宮使頻看驛騎催遙從

長樂問安回寶弓

親射林中鹿為進

慈寧御饌來

上親射鹿
迓
太皇太后

靈境招提御柳邊紫金爐製本天然細看翡翠龍紋裏

猶記

先皇鑄鼎年

德壽寺有寶鼎乃世祖時所鑄工巧異常

講筵紀事五首

陳廷敬

縹帶紅籤鈿軸齊

御書房在殿廊西五經同異諸儒別一一

重瞳自品題

玉几丹霄書漏長講章纔罷即封章芙蓉別殿秋將晚
新補歌風奏栢梁

閣門鑰入進書來紅蠟光中對御開知是

至尊勤夜讀三更燕寢月徘徊

第二螭頭點筆時起居親切近臣知年來神藻光青簡
日歷長編

御製詩

蛾眉供奉別東頭銅鴨香深跋燭畱下直玉階天漢上
金明門外月如鉤

賜櫻桃恭紀

陳廷敬

清曉朱櫻進

內園每從

丹禁飫頻繁
雲霞百子池
頭色風露三
霄殿上恩
賜觀人後植
本應

制

陳廷敬

三稜玉蘂三
珠樹五葉銅
池五色雲不
是乍從天上
見
多應空向世
間聞

三月二十六日

賜折枝牡丹恭紀三首

陳廷敬

八方風雨長靈芽
朶朶紅雲散綵霞
天意未曾私一物
上陽花勝洛陽花

樂天三度見花開
曾惜花開老暗催
卅載芸香香案吏
白頭驚捧

賜花回

鞞紅魏紫總天香
蘭佩還宜薜荔裳
歸去輕紗籠暖日
潛溪緋襯御袍黃

北征大捷功成振旅凱歌

有序

陳廷敬

日者

皇上北顧邊陲永惟戡定

聖心獨斷決策

親征羣臣震悚陳表請

遣命將士毋煩車駕遠行蒙

詔制開喻弗允

臣

廷敬伏念

皇上為天下勤勞歷涉沙磧

躬莅戰陣而臣下顧乃晏然安處其何以自寧於是謹

詣

宮門奏乞扈從蒙

天心矜憐謂臣年力就老

恩旨下頒臣恭聽之頃不覺涕零伏念臣以衰薄不克
備戎行効職役今者

天戈一指兇醜破滅朝至暮捷

功成漏刻敷天率土罔不懽忻臣受

恩高厚無所報稱思惟撰述文句以導揚盛美於萬一而臣愧非其才惶恐踰時復不能自己臣伏見

皇上覆育四海撫有萬邦東西朔南懷仁歸義聲教所通遐荒異域侯王君長稽顙

闕廷至若

聖畧天威武功丕顯

御極以來平察哈爾定三逆取臺灣服倭羅斯收喀爾喀掃蕩邊塵廓清疆宇固已烜赫炳耀亘古今而

昭天壤繇歷服而奠生民矣迺魯特噶爾丹者
違我德化自絕生成梟獍猖狂侵陵屬國洵法所
必討師出有名

皇上躬御六龍親護諸將驅鷹揚螭虎之士臨大荒盡
窮幕風行電激聲振雷霆而天申顯佑百靈効順
風雨不驚水草應候時日吉良士馬利賴殲廿年
逋誅之寇建萬世不拔之功此誠開闢迄今簡冊
所宣布宇宙所流傳

聖績神猷曠古無匹者也臣雖不能侍

行幄歷營壘親見翦獫屠戎之盛猶欲形之篇翰製為
詠歌以敬颺我

神武之光明亦臣之至幸也謹按王師大獻奏愷樂周
禮始著其義釋者曰愷兵樂也司馬法云得意則
愷樂所以示喜也漢有短簫鐃歌魏克官渡晉征
遼東皆製歌曲被之聲樂凡以諷道戰伐之事而
申寫三軍凱樂之情柳宗元有鐃歌鼓吹曲宋有

姜夔聖宋鐃歌曲皆其所自作以進之朝廷此皆
古體詩也然自岑參劉禹錫諸人已自以今體為
凱歌聲調具有風雅之遺臣今竊取宗元夔進詩
之義詩用參禹錫之體作北征大捷功成振旅凱
歌臣目雖昏眊勉自繕寫字畫蕪穢仰塵
慈鑒臣不任榮忭不任兢惕之至

蕭蕭龍笛出關聲雲旆晴翻朔吹輕十萬羽林眠夜月
迴看北斗挂南營

月上旌門映細旃
旄頭影落斷狼烟
尚衣高鎖黃金甲
長記龍韜決勝年

漠漠雲隨露布生

青宮送喜拜天行
朝衣半濕蒼龍雨
點點分明為洗兵
迴軍吹角罷連營
疊鼓風多破陣聲
寫入

天朝新樂府
流傳神武見昇平

武功文德並崔嵬

聖藻篇章每獨裁
萬古燕然留片石
磨崖

親與勒銘迴

春歸苑樹別長安
六月龍沙草露溥
邊柳千條花萬朶
一時留取待回鑾

今來楊柳正依依
昔去關河雨雪霏
魚海輕陰猶未散
五雲常繞

六龍飛

天廡驍騰汗血斑
嘶風別去籥雲還
瓜時不遣黃龍戍
首著青青意自閒

劍花弓月拂雲還歸路邊庭障塞閒數首新詩翻鼓吹
凱歌聲裏舊關山

九邊萬里抱

神京地盡遙荒戍不驚夜夜關門開曉月

天家本不用長城

鏡歌

田 雯

千峰送雨塞雷鳴天賜流泉繞

御營豹尾遠連山翠濕龍旗斜轉海雲平

平滇凱歌四首

孫在豐

十月王師靖遠邊將軍馬上奏平滇九天日照三危地
萬里風清六詔烟

帶甲蠻天十萬師洗兵雲海羽林兒盤龍江外關山曲
楊柳歌殘雨雪時

雲津橋度碧雞關鐵馬金戈卷甲還玉案山頭塵一掃
圖披王會點蒼山

白帝雲連玉壘浮雪山烽照錦江流直教蜀道平如地

踏破蠶叢劍外收

大凌河

孫在豐

一碧清流飲馬過沙明水白大凌河千年泣血張兵備

風起猶聞不二歌

故明寧前兵備道張春有不二歌一篇

十三山

孫在豐

羣峰點點碧雲間削出連城玉一般只是簪來無綵筆

珊瑚一架十三山

凱歌六首

有序

王鴻緒

周禮大司樂王師大獻則令奏愷樂大司馬若師
有功則左執律右秉鉞以先愷樂獻于社古者討
不服征不庭武功既成飲至告廟必奏獻功之樂
所以娛神格祖而禁暴戢兵安民和衆謹訢鼓舞
導豫達順之意胥於是具焉樂詩逸不傳疑不離
雅頌者近是漢魏以來代有鐃歌鼓吹詞備載樂
府句調長短鏗鏘激昂即愷樂變製唐開元岑參
始用七言絕句作凱歌六首音節中和克諧律呂

遞相祖述蔚然藝林我

皇上聖武神功討平絕漠邊鄙無警民生永寧戢矢橐
弓陳常藝極鴻庥景運與天並久臣鴻緒愚不敏
謹倣周愷樂漢魏饒吹之遺用岑參體式撰上凱
歌明紀功德冀備筦絃之末而魏魏蕩蕩不能鋪
揚萬一拜手虔奏惟滋惶悚其詞曰

天王三將羽林兵紫塞黃沙萬里行雷電共看騰虎旅
風雲常自護龍旌

蒸土城邊

鳳輦行

恩波浩蕩溢天聲
左餐右粥降蕃騎
後舞前歌出塞兵
九重六甲裕戎韜
千載昇平一日勞
禡纛早曾輪指算
策勲初不爽秋毫

氏羌盡樂太平年

天子神功靖九邊
試看龍沙千萬里
秋風何處有狼烟
萬隊齊歌破陣歸
金河玉塞遍春暉
關門老將無征戰

閒話耕耘捲鐵衣

親臨鴈塞擁星旄久握雕弧御戰袍却為萬方頻送喜
凱旋猶使

聖躬勞

時巡歌十首

有序

王鴻緒

臣聞詩有六義頌者美盛德之形容以告成功而
風者民間之歌謠以見治化之旁洽然則歌與頌
固不可遺一也臣謹述頌辭鋪叙

聖澤矣茲復採諸民情驗諸輿慕事皆徵實文無虛美
恭撰

時巡歌十章用被筦絃之末極知弇陋聊以託里巷風
謠之遺云爾

銘功瀚海靖烽烟膏雨和風被八埏澤國桃花偏軫慮
更勞荒度奠山川

親乘四載閱洪河沉璧寧煩瓠子歌渠雨垂雲周
睿算金隄竹健佇恬波

孝治雍和萬國安

璇宮色養日承懽為觀一統山河盛躬奉

慈寧御玉鑾

敷天尊養答

慈恩孝德三朝侍寢門

玉趾步行扶

寶輦移風不待渙

王言

羽衛森森豹尾旁
扈行

嚴蹕勸農桑
引車輟馬頻

宣勅不使春疇一草傷

周官自昔貢形鹽漢權唐征取次添
今日熬波寬算額

海濱飛雪裕窮簷

重關水陸聲義皇

特免奇贏較索裝
霧渚烟津帆似織
曉風安穩度千航

弭棹金閭駐

黼帷東南民隱細周咨吳謳徹晚聲相接盡是華封祝
聖詞

石頭盤鬱勢嵯峨二水三山勝賞多極目長江天萬里
一時都化作

恩波

問俗從容

睿藻摘言泉墨海浩無涯爭傳大雅卷阿什盡繪豳風
七月詩

瀛洲亭補種新槐紀事四首

顧祖榮

天上分明應列星
陰陰密葉接柯亭
也知不比閒桃李
曾見三株綠滿廳

綠痕先上最高枝
得地纔知雨露宜
已卜他年鑽火候
好分餘影當青藜

托根何幸傍瑤京
好護枝條待長成
想到濃陰涼似水
晚風吹過讀書聲

長養多歸尺五天
春城無際是晴烟
扶疎亦挹凌雲意

擬向文昌殿裏傳

聖武功成凱歌六首

胡會恩

流沙瀚海靜無波大漠頻傳奏凱歌
已掃北庭回斗柄更臨西極挽天河

制勝訐謨燭古今鶴行誰喻

九重心直從治定功成後始識

宵衣握算深

桓桓禁旅駐河濱刁斗聲嚴靜夜聞
邊樹周遭如列仗

齊看帳殿起松雲

仁威遠布拓堯封異域咸收列附庸浩蕩玉關西望遠
河源九曲本朝宗

龍堆北去地形高猶記凌寒度不毛斷磧青青肥苜蓿
隨

鑾春雨潤如膏

乘時迅速便安邊四序纔周振旅旋却笑詩人歌撻伐
鬼方小醜待三年

鐃歌六首

顧藻

君王赫轡御戎衣，虎騎龍驤激電飛。
越險不辭親陟遠，先聲萬里過金微。

繡旗翠葆接行臺，肅肅鈎陳翊衛開。
共望除兇同望歲，邊民歌舞

六龍來。

紫塞歡迎過赫連，平沙漠漠列戎旃。
緣知

聖武勤綏遠，黃鉞親提萬里天。

飛旆遙臨海色青
鳴鑣萬馬黑河腥
試看指顧排狼窟
駐蹕居胥待勒銘

鼓疊城頭玉壘清
欖槍頓落陣雲平
鐵山風靜看歸馬
武德歌翻入塞聲

廟畧乘時出萬金
威行絕域握幾先
吾

皇神武功成日不數
金城舊拓邊

皇清文淵卷九十七